

یکدیگر بینه نتایج منطقیه روابطی ایله ربط ایدرک حفظه موافق اولور . برده نه قدر سهولتله حفظ ایدیش اولسه معاونت فوق العاده سی درکار اولان قید و اشارت اصولی ترک اولنمایدیر . فقط بر فکر و مطالعاتک عموماً و کتابی حافظه نك قوتلنمسنه خدمتدن صرف نظر بلکه دوچار ضعف اولسنه سیبیت ویر- جکندن محلاً بر قاچ کله ایله اکلاشیله جق صورتده قیدی اصولی التزام معلومات کثیره نك تصرف و اکتسابنه مدار اولور .

شاعره صورار سه کز بیلمز ؛ فیلوزوف تعیین ماهیتندن عاجزدر ، ریاض س : ؟ : دستوری کوستریز . رسام فیرچه بی لندن آتاز ، موسیقی شناس ، نغماتیله اظهار اهام ایدر . چوجق شاشیریز . بیوکلر آکلایه باز . قادینلر هر وقتکی کبی بر برینه صورار . ارض سمان ، سما کواکبدن ، کواکب ابدیتدن استفسار ایدر ؛ او هرکسه کوره برشیدر هرکسه کوره بر؟؟ در . فقط نه در؟ ..

مختلف اشکالی واردر . قادین ارکک آراسنده جاریدر . محیط اضربه کوره تبدل ایدر . پانوراماسنه باقیلیرسه نه قادین یاخود ارکک پشنده دولاشان سرسریلر . صاحب لره قدر . ماصه باشنده (عشق هجران وصات آه آمان) موضوعلریله یازی یازمایه یلته ن او یقوسز قالان زواللیلر . آنه سینک یوزکنی صاتوب کوبه سنی ترهین ایدوب مردار اولرک متعفن وجودلریله یاشایان سفیلر کتابت وظیفه سنی بر طرفه بر اقوب مکتب ارقداشلرینه قومشو قیزلرینک مداح حسننی تریم ایدن سوت قزولری ماصاسنک اوستنه [فلانه طوتولدم حیاته نه نهایت ویریورم . حقکنزی حلال ایدیک ز] طرزنده بروصیه تامه یازهرق بیننه قورشون صیقان بدلالر : دهانه لر نهلر سیر اولنور

عشق ؟ ؟

قوجه غاری ماصاللرینک کریز کاهلری کبی بر وارمش ، بر یوقش دیه باشلار ، واردر و یوقدر . ابتدای خلقتده ائیرک ناصل صورت مادییه تحول ایتدیکی ؛ مثبت و منفی ایکی بولوتدن بارقه نك ناصل چیقدیغی نه قدر اسرار انکیز ، نه قدر مجهول ایسه بوده اوله در . تاریخی یازمق ایچون طاش یاخود طونج دورینه قدر چیقمالیدر ، صفحات موجودیه نقش ایتدیکی هر تابلونک زمینی سیاه و قیرمیزیدر . طبیعی اسکی فلسفه چه تعریف اولتمق لازم کلسه حار و راطبدر ، مزاجی عصی و دموی ، جناس طبیعیاتدن هیچ برینه منسوب دکل ، فقط جمله سیله رابطه سی واردر ، آری به کوره بال ، چیچکه کوره رنگ ، بیلانه زهر ، بیرتجی حیوانلره شکار بالغه بی پایان بر دکنز ، بنیله نغمه ، مرکبه شهبیق . کوبکه عوعوه ؛ روزکاره نفخه ؛ فیرطینه به تخریب اولور

بزی تبریک ایدن رفقای کرامه
تبریک و توجه کنزه صمیمانه تشکرل
ایده رز .

بکر افندی مطبوعه سی
مدیر مسؤلی حسین حلمی

صاحب امتیاز و مدیر مسؤل :

سرپرست از میر غزته سی صاحبی

حسین حامی

Directeur Husein Hilmi

مع پوسته سنه ایکی ۶۰ فروش
« آلتی آیانی ۴۰ فروش
مکاتب و اوراق باب عالی جاده سنده
منظومه افکار مطبوعه سه کوندر ملیدر .

اشتراک

بری بری باقار ، قیامت اندن قویار

سوسیالیزم افکارینک مروجیدر

journal socialiste ICHTIRAK

مندرجات

اوزون برقونفرانسدن : حیران — سوسیالیزمک آتسی : بر محب . . . بدینک و حیات : ا . رفقی
بر ایضاح : اشتراک — بلانکی به : ا . س — فوره ر ایچون —
دهده حسنک وجدانی : رفیق خالد .

فرزاد

اوزون برقونفرانسدن :

انسانلر ، بوکون تعقیب ایتدکاری مختلف
مسلسلرک ، بند فکر ایلدکاری مشوش عقائدک
تأثیر بی سودیله ارض اوزرنده مخالف ،
ضد بررکومه تشکیل ایدن برسوری غافلردرک :
هپسنک ، هر فرقه نك مقصدی تأمین سعادت
یاخود جلب منفعت ، هر پارتنیک غایه خیالی
ترویج افکار و دفع مضرتر و بونک بویه

اولدینی و اوله جنی اک واضح ، اک بدیه سی
حقیقتلر دندر
انسان ندر ! طبیعی ، فلسفی تعریفاتی
بر طرفه براقلم . انسان کائناتک اک کوچوک
واک سفیل بر جزوی اولان سیاره ارضک نیم
مشکامل بر حیوانیدر . طاش دورینک بر مولود
ضعیف اولان بو حیوان اولا مظلم مفارلر کوشه .
لرنده سفیل و حیوانات وحشییه به خاص بر
حیاتک آوان غافلینی امرار ایدرکن ، آجلغه
قارشی اولرله ، آج کواکریله مدافعه یلته یکن

یاواش ، یاواش ، برلشمک ، توحید و تقسیم مساعی ایتک لزومی حس ایتش و بصورتله اولاً کوچوک کومه لر ، صوکره بویوکجه قیبله لر ده صوکره قوتلی و منتظم حکومتلر حاصل اولمه باشلامشدر . . .

بدایت تشکلنده پک ابتدائی و وحشی اولان بوجمیتلر راحت و رفاهلری تأمین ایدمجهک و سائط لازمه تک وجودینی درک و تیقن ایله چوق بسیط اولان آلات و مسکنلر- نی ، پک بسیط اولان غذا و سائط حیاتیه- لرینی دهامکمل و منتظم برداره داخله آلمق ایچسون چالشمغه باشلادیلر . دیر آتای ، طونج ادوتی اصلاح ایتکله صنعته ، طوپراغی ایشته رک محصولی اصلاح ایتکله صرفه یول آجدیلر . سمایی قاپلایان نجوم اشعه داری چوللرده کی سیاحتلرینه رهبر اتخاذا ایدمک بویله جه سماه متعلق بر فکر اجمالی پیدا ایتدیلر. اوتلردن ، کوکلردن دوالر یاپه رق طبک ایلک فقط بسیط تملرینی آتدیلر . . .

متفرق عائله لرک برلشمسندن ظهور ایدن قره لرتناسلک افراط درجه ده ترایدندن بو- یوبه رک شهرلر وجوده کلدی . مختلف شهرلرک بر برینه اولان مناسباتی تسهیل ایچسون یولار یاپیلدی . و سائط نقلیه لر مناقلاتی تسهیل ایتدی بو صورتله انسان کومه لرینک تشکیلی ایتدیکی

بوشهرلر مدنیت ده نیلن شهره ا ترقی به داخل اوله رق لایحه قطع ایلرلمکله احتیاجاتنک ده ا امین ده ا سهیل و سائط ایله تدارکنه چالیشبور ارض اوزرنده بشریت متفکره ذکا و عملنک ثمراتی اقطاف ایدیوردی .

فقط بشرک بوی پابان عداولتان ترقیاتنک امتدادی مدیحه بر قوه غیر مرئییه ترقیسنه معکوب- سا متناسب تأثیرلر حاصل ایدیور ، اونی ترقی ایتدیکی قدر تخریب ایلور ، ترقینک ذروه قصواسنه چقمش ، بر ملتی بر مملکتی ، تدریجی بر طاقم مؤثرلرک بار تأثیراتی آتیده ایچا ایدیوردی

بوکون نظر فنده دائمادقته شایان کورولمش بر حقیقت مطلقه درک کائناتی ، ذراتی ، حیاتی و الحاصل هر شیئی یدقهار استبدادنده صیقان، ازن مبارزه حیات قانونی جمعیتلر ، مملتلر اوزرنده دخی - طیبی اوله رق نفوذینی اجرا ایدمک برینک موجودینی ، دیگرینک احساسنه وابسته بر اقبور ، بصورتله جمعیتلر ، حکومتلر آره سنده مهم وقانلی مبارزات میدان بولبور ، بدنک حیاتی ، دیگر برینسک نمائیله قائم اوله رق سطح ارض بر جدلکاه خون آلود حالنه کیریور و بو محاربه لر ، مجادله لر ، بر طرفک اقبال و رفاهیتی ؛ دیگر طرفک ادبار و سفالتنی انتاج ایدیور ، . . .

مکان مقدس سماویسندن ارتکاب ایتدیکی جرم مهنسک مجازات مادیه و مغنویه سنی چکمک ایچون سطح ارضه عربیان و سفیل اوله رن آتیلان (پدراول) کایکی مخدومی مغلوبی اولدقلری حرص شهوانیتک اثرکین و غرضنی مدهش بر معارضه ایله نتیجه لندیردیلر قابل، حیاتی هابلک احساسنده کوردی و ر ادربی بر حزنه ایله اولدیره رک رقبیدن قور تولدی

بشریتک بویله اساطیری و مخیل ادوارنده وقعه فوق العاده اوله رق کورولن شومسئله یی مبارزه حیاتیه قانوننک ایلک سخته مخیلیدرکه بودور مخیل و اساطیرندن صوکره عصر مدنیته قدر تاریخ صحیفه لرنده بر ط-وتان قانلی وقعه لر ، مدهش محاربه لر اوبارلر ، امثاللر ، سعادتلر ، سفالتلر هب بوی امان قانونک تأثیر متحکمانه سیله وجود بولمش ؛ هرشی ، ذره دن شموسه ، اوافق برعضویات کومه سندن، قوص قوجه حکومتلره وارنجه به قدر هرشی بوقانونک تأثیرندن کندی قور تاره مامشدر

انسانیتک ایلک عصرلری الحکم من غلب سوزندن تخلص کریبان ایدمه مش فقط بالآخره جمعیتلرک قوتلری بوبومش بنه بوسوز حاکم حکومتلرک بک صوکره لر ی یعنی براییک عصر اول حکومتلرک حقسنر معاملاتنده کی رنک اغدار و مظالمی ، مشروع قانونی بر پرده حیله کاری ایله اورتک ایسته بن بر قاج عاقل حقوق بین الملل نامیله ظاهرأ پک عادل و رحیمانه ترتیب اولمش فقط حقیقتنده ایسه الحکم من غلب سوزینک بر تفسیر تأویلینسندن

باشقه برشی اولیمان قواعدی اورتبه قومیشلدرر هیچ محکمه تک کوره جکی دعاوی عظیمه اوله یی کویابین الملل مصدق اولان بوعلمک فواعد و قوانیتیه حل و فصل ایتک فکری - ذاتاً بالانجلیق وانتریقه جیلقدن باشقه برشی اولایان - دیپلو- ماتلغک اثر کزین احتیال کارییه که مدنیته تک اک مترقی و متکامل بر زمانی اولان عصر حاضره قدر هیچ بر مسئله دیپلوماسیه ، هیچ بروقه معضله سیاسییه نه بویله بر محکمه بی طرف قارشیدسند نه ده بوی فواعد مصدقه بین الملله حل و فصل اولمش ، بلکه سیاسیات دیپلوماسی نامی آتنده دون طرف احتیالییه و حیله کاریه تک اک غدار استبدادیله ، اک ظالمانه تحکملرله اکثریتک فکری (کرک حق کرک باطل اولسون) اقلیتیه ترجیح اولمش ، اقلیت (حقلی اولسه بیله) اکثریتک حکم و نفوذی آتنده قالمش و بویله جه مقدس و محترم !! بشریتک لسان ظاهر یسندنه ظریف برموده ، روسیه مفخرت اولان (حق و عدل) الایش دمکذا عنصری بوتون معناسیله ، بوتون ماهیتیه اولدیر بلمش ، طوپراقره صوقولملر منعمت ! که انسانلری یکدیگریته رقیب و دشمن ایدن بر سودادر .

ایشته مبارزانک مبانی تشکیلی ایدن بوسودانک حاصل ایتدیکی حرص بقای حیاتکده اساسنی تشکیلی ایتدیکندن هر شیده بر رنک الیم احتراض پیدا اولمش ؛ بعض یرده غدر و ظلمه ، بعض یرده حیله و خدعه - سیاسیه - تمثیل ایدمک یینه حکمنی ، تأثیر جانکندناری سربیع

و مستحکماز اجرا ایشدر . انسانلر براصلدن
نشأت ایش ، اولدقلری حالده ینه بوقانوتک
تأثیریه مختلف جماعتلره ، و بوجاعتلردولایسیله
مختلف طرز اعتقاده ، مختلف مسلک همیشه
سالمک اولمشلردر . و هر جمعیتک آره سنده
حصوله کلن منافرت ، بوغدار مؤثرک اثریدر .
فقط دهامهم وشایان دقت بر مؤثر دهاواردرکه
اوده محیطدر . ایشه بوایکی مؤثرک آثاریدرکه
براصلدن نشأت ایدن انسانلر ، یکدیگرینه
تمامیله معارض و مخالف بر مسلک آملشروترقی
ایتدکلی نسبتده مبارزاتده بولنه رق حق بقالر-
ینک اوامه نه سی ایشلردر .

بورایه قدربحث ایتدیکم اسباب انسانلر
آره سنده کی منافرتی ایضاح ایده مدیسه ده
طبیعتک جمعیتلر اوزرینه اجرا ایتدیکی تأثیری
بیان ایده بیلدی صانیرم . مقصده باشلاقیلچون
مقدمیه شونیده سویلمک لازمدرکه تعقیب
ایستدیکمز وغایه خیابنر اولان اتحاد مالی
نظریه سی بو منافرتلری اورشدن قالدیرمغله ،
و مخالف جمعیتلر آره سنده دائمی برسکون
و آرامش تأسیس ایتکه حاصل اوله جقدر .
بوایسسه برچوق شروطه متوقفدرکه
سیاسی ، اقتصادی ، اجتماعی مخذولردفع
ایدیلمیدر . اوزمان براصلدن نشأت ایدن
طوپراق ساکن اولان انسانلر مخالفت و
منافرتدن آریله جقلر ، عالممولر برحیبتک ،

عبطه خشا برسکون وسعادتك آغوش توراتورنده
باشایه جقلر ، وحشت دورلرینی اونوته جقلر
تاریخلرینه مقتخر آیزدقلری عماربلره ، مجادله لره ،
انزیره لره نفرت ولعنت ایده جکلردر .
مابعدی وار



صاحب اجتماعیه

سوسیالیستلک آلیسی

« اول بزه آب حیات ، آتش سیالیمات ! »

ع . ج

سوسیالیستلکک تمام ایده جکنه آرق
شبهه یوق . سوسیالیستلر کوندن کونه
آرته جق ... فقط سوسیالیستلک عجیبا
صلحأمی ، یاخود حربأمی تأسس ایده جک ؟
تعمیر آخرله سرمایه داران بوکون پدانحصارلرنده
حبس ایتدکلی وسائط استحصالیه دن ، نتیجه
قناعت اوله رق ، طوعأمی قصر ایده جکلر ؟
یوقسه بو وسائطی نتیجه قهر و ضرب اوله رقی
فتیح ایتک لازم که جک ؟ طالع فردامن نه دره ؟
بوکون بونی آرامق ، تعیین ایتک ایستورز :
بوسواله بر جواب بولق اوزره انسانیتک
صفحات ترقیاتی تدقیق ایدلم ؛ بو صفحات ؛
وحشت کبی ، اسارت ، اجیرلک کبی ،

قوللاکتیویزم کبی مهم : .. یاخود سیاسی ؛
متوسط برحاله در .

تاریخ کوستربورکه ، بردوردن دیکرینه ..
برحالت اجتماعیه دن دیکرینه مرور شمیدی به
قدر دائما عین صورتله وقوعه کلشدر : اولاً
بسیط برسی ابتدائی . اوزون بر مدت حمل ،
صوکره صیق صیق قضالر ، الیم و خونین اوجاع
نوبتلری ؛ نهایت آرز چوق شدید برهرج مرج
وبالنتیجه دوامی بر طاقم تحولات ... ثابت
ودائمی اولان بوقانونده اثبات ایدیورکه انسان
ماضیسنه نه قدر بیوک برصمیمیتله مربوط ایسه
انسانیتده علائق ماضیه سندن اومرته جانسوز
اضطرابلرله آریله بیلور .

شمیدی به قدر اهمیتی ولو درجه نالیه ده
اولسون تحولات اجتماعیه دن هیچ برینک
قوتلی عصیانلره ، اختلاللره اقتران ایتمه دن
وقوعه کلدیکی کورلمه مشدر .

هیچ بر مستبد یاخود هیچ بر صنف ممتاز
کورلمه مشدرکه ، کویلری .. قصبه لری ..
شهرلری یاقان ، انسانیتی سنه لرجه ایکلتن ،
امتیازاتی .. منافعی بالا اختیار ، بالتقاعه ترک
یتسین !

اون نموز حریتی کرچه حرباً ، عنوة
فتیح اولونمادی ؛ آلدی . فقط رسنه ،

اوخری ، مناستره ، درامه ، سرز ، ایقلاندقدن
صکره آلدی . « کارل مارقس » اشهادات
تاریخیه به مستنداً دیمشدرکه ، « جبر و شدت
لاوته در ، جمیات قدیمه دن جدیدی آلیر . »
مهم ، بیوک صفحات تکامل ایچنده یالکیز
اجیرلک باشلامش حربسنز ، قانسز وجود
بولمشدر . شو قدرکه اجیرلک نوعا اسارتک
برجنسیدر . اوندن بتون بتون بشفه ، اوکا
بتون بتون یابانجی بر شکل دکلدر .

اسارت تخفیف ایش ، اجیرلک باشلامش ؛
اسارتک تخفیفه نسبتده اجیرلک ترقی ایش ،
بونک یویله اولمی ده طبیعی بولمشدر . چونکه
اجیرلک هم مولالره ، همده اسرایه تأمین فائده
ایرر . ایمدی اجیرلک کندن اول کلن
صفحه نک یعنی اسارتک برینه قولایقله قائم
اولمش ، چونکه مرور زمان ایله ویاواش یاواش
هم اسپرلر ، همده اصحاب اسرا بر طرز حیایک
دها فائده لی .. دها منفعتی اولدیفنی کوره مشلردر .

حال بوکه الیوم مرعی و حاکم اولان اجیرلک
حیاتی ایله حالا یش عزم بشریتده بولسان
وایلک مرحله متعاقبه نی تشکیل ایدن قوللاکتیویزم
ایچون بویله شرائط مساعدده ، اسباب تمهیلیه
موجود دکلدر ؛ چونکه زکیئلر قوللاکتیویزم
تأسسندن هیچ بر فائده بکلمیورلر ! ایمدی
اجیرلک بر طرف ایدلدیکی خالده ماضیه فصل

هیچ بر تحول عظیم قان سیلاری آفقدن تجلی
ایده‌مهم‌شده حالاً و مستقبلاً ده بالجملة تحولات
عظیمه‌نك آنجق قان سایه‌سندده ، اولدیرمك
سایه‌سندده حیات بولوب بوله‌بیله‌جکده شبهه
یوقدر .

کرچه دور اسارت ، دور وحشت یرینه
زور وقهر ایله ، اجیرلک [۵] ایسه اسارت
نسبهٔ بک خفیف اولان ۱۷۸۹ اختلال کبیری
اوزرینه صورت عمومی‌دهه قائم اولمش کبیر .

ایشته شو معلومات ابتدائیه استحصال
ایدلکدن صوکره اوکمزده وقوع بوله‌جق
اولان انقلابک ولوله‌سز زلزله‌سز بر صورتده
تجلیسینه امید وامکان وارمیدر ؟

مهم و عظیم بر قیمتی اولان تحول آتی‌به
عائد مساعی ابتدائیه‌بیله هر خطوده هیجانلر ،
دردلر ، مصادمه‌لر ، تولیدندن خالی دکل .

(جمعیت بین الملل) بیکارجه مشکلات

ایله حیاته‌شویله‌جه صاحب اولمش ، اممالک
مختلفه‌ده قوهٔ قاهره ایله دفعانله اخناقده تشبث
ایدلشد . بوکون عمله سندیق‌لرینه (متحد
جمعیت عمومیٔ مساعی پروران) . اقعاع

[۵] اجیر ، مجله : ماده ، ۴۱۳ ؛ اجیر خاص
واجیر مشترک ، ماده ، ۴۲۲

ایدلین موانع یوقدر . بوشرائط داخلنده مبرم
مصمم ، الزم و معنای صحیحی ایله عظیم اولان
انقلابک کوزلکله وقانسمز اوله‌بیلسمی وبتون
امثال تاریخیه‌سنی تکذیب ایتیمی احتمالی
وارمیدر؟ قوته تبعاً اسارتک تأسس ایتدیکی
تاریخندن بری انسانلر اقسام واشکال حریتی
استحصال دکل ، علی‌التعاقب وعلی‌التدریج
فتح ایده کلش‌لردر . عصیانلرله اختلاللرله
فتح ایتمکده‌درلر .

بوکی اجتماعی عصیانلر ، اختلاللر سوس
ایچون .. ذوق ایچون دکل لزوم اوزرینه‌انفلاق
ایتمش وطرائقه هول انکیزینک مهابتی ظفرله
تتوج ایتدیجه مطلقاً نتایج مفیده اقطاف
اولنشد . بوحقیقت بتون بر سلسلهٔ تاریخ
اختلالانک ناقابل رد و شهادتیه تأید
ایدر .

بزده تموز قیامی — اجتماعی بر قیام
اوله‌مقله برابر — بو حقیقته شاهددر .
نته کیم فرانسه‌ده ۱۸۳۰ انقلابی فرانسه‌لرله
اسکیسندن واسع بر حریت تامین ایتدیکی کبی
۱۸۴۸ اختلالی ده جمهوریتی و آراء عمومی‌بی
بخش ایتدی .

بزده هر وجه‌له ، دید آفتیش‌لره سزا

چیقمق ایچون‌ده بر آبدست لازمدر .
فقط حیفکه بو آبدستک قان ایله آلماسی
مشروطدر .

ایشته بتون بوحقیقتلر وهرشی کوستر یورکه
فقرانک ، کویلینک ، افراد اهلینک ایادی
ملوته سرمایه‌دارانن تخصیصی صاحباً اوله‌میه‌جق ،
سلامت ... مساوات یولارینی ایرکیچ ، مهیب ،
جهنمی مصارع‌لر ، مصادمه‌لر آچه‌جقلردر .

ساعت بساعت یا قلاشمقده اولان او
کوزل کونلرک دهشت وشدتی ممکن مرتبه
تخفیف ایتمک ، ممکن مرتبه آز قربان ویرمک ،
آز قربان آلمق .. ایچون بالکنز بر چاره
واردر :

سرمایه‌داران عمله‌نک ، فقرانک ، کویلیلرک
تشکیلاتنک نه مرتبه محکم و تین اولدیغی
کورور ، بوکونک هزیمت ناپذیر بر درجه‌ده
جدی وشدید اولدیغی نه قدر امنیتله تقدیر
ایدرسه ؛ والحاصل فقراده‌کی عزیمک علویت
وهیابتنی پیش جلالنده معنویاتی تقدر قیریلورسه
مصادمه او قدر چابق بر طرف اولور . وبوحالده
زنکیلرک بتون مساعی ایتیساز جویانه‌سی
او مرتبه سهولتله چامورلر ایچنده بوغیلور .
مع‌الافتخار تصدیق ایتلیدرکه عمله تشکیلاتی
یوماً یوماً دهها بیوک بر وسعت واحاطه

اولان « اهالی فرقه‌سی » ، هربری باشلی باشنه
برر قطب ناموس ، برر برج فضل و عرفان
اولان حمدیلرک ، مصطفی صبریلرک ، کوملجانه .
لیلرک سودیلرک ... وسائرته‌ک وجودلرله
تأمین ایتدیکی بک بیوک امیدلرله تسلی به حقمز
اولقله برابر بو مسئله‌ده‌کی نقطهٔ نظرینی هنوز
کوسترمه‌مش و فقط دو قور تمونک ریاست
ایتدیکی « ده موقرات » فرقه‌سنک هله آراء
عمومی‌به دوزخو بر عزم وجهد مردانه ایله
یورودیکی وارستهٔ تدقیق بولنشد .

ایشته الیوم آنجق محتمل فقط غایت عظیم
ومهم اولان بونقطهٔ بلندده واز جمله شمدیلک
آرای عمومی‌به امنیت وصول شو کوچوک ۱۰
تموز ۳۳۴ قیامک بولمکده « حسین طوسون »
لرک ، « حاجی شوکت » لرک ارضروم افاقده
برایکی سنه اول باشلایوب اوفق اوفق فقط
غایت اساسلی مظفریتلرله فعلی‌اننده اقران
ایتدیردکلری دهها کوچوک قیاملرک ائیدر .

والحاصل حریت آنجق حرب و ضرب
ایله وپارچه پارچه فتح اولتور . معبود حریت
غرام ایله ، عشق ایله تمایل ایتمز . آنجق بیوک
بی‌سوک فدائیلرکله جلب ایدیلور . محترم ،
فداکار ، بیوک‌عباده‌جودت بک آنجق سویلشد .

(ملکهٔ حریتک) حضور علویته

پیدا اتمکده ودها زیادہ قوت نمکدہ در . ہرشی
کبی بوجہت دہ ہنوز اویانہ ہمیش ایسہدہ
مساو اندن او قدر محرومن و کویلیار شمیدی بہ
قدر او قدر ایکمشلر درکہ از زمانہ یک
بیوک مسافہ لہ جبرمافا اتمک قابل اولہ جقدر
آورویادہ بویادہ کی تشکیلاتدہ کوزہ چاربان
باشاجہ شو نقطہ لرور . . .

برکہ سندیقا ، بواساسدر . صوکرہ
ایش بورسہ یہ کلیورکہ بو عینی شہردہ بولنان
بالجہ منابعہ عائد مختلف سندیقاری برلشدر .
دہا صوکرہ او اولکہ یہ عائد عین صنایع اربانی
طوپنی طوتان بر « جمعیت متمدہ صنایع » کہ
باشندہ پارسدہ منقذ « مرکزی قزمیتہ »
وارد .

نہایت « متمد جمعیت عمومیہ مساعی پروران »
کہ بونک علم نصرت و تعاونی اتندہ ہم مورسیہ لہ
ہمدہ « جمعیت متمدہ صنایع » لڑک کافہ سی
برلشمہ لری « متمد جمعیت عمومیہ قومیتہ سی »
نامنی طاشیان و ہر مورسیہ دن و ہر « جمعیت
متمدہ صنایع » دن بر مأمور بر سر حصدن
متشکل بر قومیتہ ادارہ ایدر .

بالجہ صنوف مساعی پروران انجق سندیقالہ
ارتباط پیدا اتمکری دہت ساعت خلاص
حلول مواقسہ اولہ جقدر . بوتشکیلات بر
شیکہ قویہ تحکم ناپذیر رقت حاصل ایدہ جک ،
و ارتق برکان اخلاک باشلایہ جنی کون بتون
سرمایہ داران صبقی وغالب بر پوصویہ

دوشمش طوزاغہ طوتلمش اولہ جق و بر
سیوری برسینکک اوروجک آغندہ بوغلمسی
قیبندن سرمایہ دارلق الی الابد بوغلمش اولہ
حق در .

« قارل مارقمسی » بحق تقدیر ایدر .
« عملہ بی انجق بالذات عملہ قور تارہ جقدر ! »
عہد قریبہ بر کون کہ جک کہ مثلاً فرانسیہ نک
بالجہ شہر لرندہ عینی بر کوندہ عینی ساعتہ
« متمدن جمعیت عمومیہ مساعی پرورانہ قومیتہ .
سنک بر امری او قونہ جق ، عینی دقیقہدہ بر
براختلال فورطنہ سی ، دہا
س ، هول آموز بر قاصرغہ قویہ جق ، برکان
تخریب اندفاع ایدہ جک ، نہ وارسہ ہرشی
ہر شیلری ، ہرنہ وارسہ سو پورہ جک ، تمیزلیہ
جک ! . بو بویلہ اولہ جق ، بر جوق یرلردہ
اولہ جق . . .

بو حقیقت ظالمہ و مظلمہ حضورندہ ،
فقط مطلقا قطعی اولان بو حقیقت حضورندہ
علی العموم صنوف مساعی پرورانک عہدہ سنہ
نجیب بروظیفہ ترتب ایدیور : تعاون و تشارک
اساسلری اوزرینہ یکدیگرینہ تقرب اتمک !
سندیقالر تشکیل اتمک ، تشکیل ایدنلردن
ایجاب ایدنلرہ قید اولمق . . .

بوتشکیلات و ہالہ اقتصادی ایسہدہ بونک
یابی باشندہ ، بر تشکیلات سیاسیہ ، برسو
سیالیسیلر غرتہ سی وارد کہ کولکسی حالندہ
دائما غیر منفکدر . و فرقہ فقرا ایچون اولمقلہ

برابر زنگینلری دہ قبول ایدر . و بوزنگینلر
اک علوی قبلیلرک نمونہ لریدر . . .
مسئلہ معضلہ اجتماعیہ یک چارہ حلی وسائط
استحصالیہ یک بشریکندہ اولدیغہ قناعت
ایدنلرک کافہ سی و مناسبدار اولہ بیلہ جک لری
طرفلردہ فرقہ نک شعبہ سنہ مراجعتلہ
قید اولمقلدیرلر . . .

بویادہ پرورده ایدیلن افکار خیال ، غایہ
اسال انجق بو صورتلہ تمیہ و حقیقتہ تقریب
ایش اولور . عین زماندہدہ اوزاقلردن ، در
ینلردن کلن اوغولتیلری شمیدین بتون مصنیق
قلبرہ رعشد و خشیت و یرن اختلال عظیم
اجتماعیک دہشتی نسبتہ تقلیل ایدیور .

ایک قیمتلی متاع بشر اولان کونلری حرور
فات صندوقلری آره سندہ مرتیلر ! بو حقیقتلری
سز مرتین جمعیتی یا مقل تشبثی صرہ لرندہ ا کلا
مدیکزمی ؟

ای تراموایچیلر ، سزہ اتحاد لرکنز قیاملرکنز
ضروری و یریبوردی ؟

ای اناطولی شہندوفری مأمورلری ،
بر اشارت تیقظکنزہ ہو کنتی در عقب بموشاتمادیمی ؟
ای بیچارہ محررلر . . . سز بسبتون
دیوانہ لرکنز ! ای بیچارہ کویایلر . . . ہانی
اسکالردہ بیوک شہرلردہ سزک بورسہ لرکنز ؟
ای از میر کویایلری بمشلرکنزی ، چکر دکنز
لرکنزدہ ہانکی و معتمد پیاسہ یہ تسایم
ایدیورسکنز !

ای دکرمن درہ لیلن سز اک عادی قابض
ماللری صاعمال اینکلری حکمندہ بیلہ دکلسکنز ؟
سز دن بری استانبولہ یوز کوفہ اوزوم

بوللامش ، دولدریمہ ، استیف ، باغلامہ ،
دکترہ نقلیہ ، دکزدن استانبولہ نقلیہ دائما ،
وقایض مالہ حتی چیقہدقندن صوکرہ کندیسنہ
اودنہ جک الی غروش بورج قالمشدر !
برلشیکز ال الہ و یریکز ، ارتق کافی . . .
ارتق چالیشقان فقرانک دہ کولسی لازمدر . . .
(* * *)

بلانکی

— محترم دو قنور تمویہ —
یوزندہ عزم وامل ، کوزلرندہ نور دہا شو جانلی
قلعہ بی برسوزلہ ایدیور تدویر ، بلانکی : حرمتہ
شایان اولان اوشانی ذکا محبت بشرک بلندہ بیکایدر .
اونک مجاہدہ سی سہمی ، بچلہ مشغلہ سی سفالتیدن
کروہ ذلیل و مفدورک ؛ سفالت آم زمانک بوقانلی
مسئلہ سی : اساس مسلکی اولدی او عقل غیورک .
اویاندہ برسورر آسودہ مست جام غرور قیسور
فکردن آزادہ بر آلامی مشغوف . . .

فقط اوفرکہ کہ ، فقیر مضطرب ، مقهور
رفاہہ غیظ ایدر ایشتہ : مجادلات صنوف ؟ . . .
بلانکی ، ایشتہ معیشت کتابک بو حوزین
صحافتندہ او قوردی علوم تشریحی ،

اونک پرہنسی (رفع مظالم والمک
یکانہ چارہ سی خلقک قیام و تخریک)
جدال باشلادی پارسدہ اویلہ شدیلہ
عوام ناسی ، اہالی بی و یردی طبقانہ
بلانکی ، اردونک ایلک صفندہ . دہشتلہ
ہجوم ایدوب دورربوردی کروہ ہدوانہ . . .

فقط تحکمہ دلدادہ ، منتقم (تہ) ک
صاوردینی دختات محبت و آتشبار
بوزوب صفوف عوای ، بلانکی ، لشکرینک
ہزیتیلہ اسپر اولدی ، مشکر ، ناچار . . .
بوعدل و حقہ مقارن قیام پرہیجان
تحکیمات و موافقہ محو اولوب ، کیتدی
بلانکی ، خائب و خاسر ، علیل و بیدرمان
سعادت ایمی کورمہ دن افول ایتدی .
۱ . ارتق



محررين عثمانیه دن : ا. رفیق بك

كولدر

بدینك

بشریت ترقی ایتدیجک زلمنی آرتیران ؛
مدنیت انسانلره اسباب رفاه وانتظامك اك
كوزلارینی، اك مكمللرینی احضار ایلدیجک مدهش
برطاعون ساریلیکیله ایلریله، تخریب ایدن،
بوغان، بوتون بشریتیه سیاه برکیجهك
قورقولوه كابوسلی رؤیالرینی کوسترن برخسته لق
وارکه بوندن ایکی بیک بشیوز سنه اول ظهور
(بودا) لره، تخریب مذهبیری تأسیس

ایلیهن (مانی) لره حکم ایتش، ایلریله مش،
مشئوم آبدلر رکن ایتش، صوکرده شوپنهور
کبی متفکرلری، هارتمان کبی مدقق علمایی
پنجه تسخیرینه آلمش بوتون بشریتیه بره نسپلرینی
نشر ایچون اولره یازدیرمش ونشر ایتدیر.
مش.....

صوکرده کاشات تفکرده بویوک بریر
اشتغالله باشلامش، کنجبرک، شن وشاطر
بولنسی، حیاته مربوط اولمی لازمکن شبانک
دماغنه یارالر آچش، دائمی بر لواک مسممله
بوکهنه انسانیتک، کهنه قواعدینه ضربلر
اورمش، نه کنج، نه اختیار، جافیلوزوف،
نه متفنن هیچ برنی زهرلردن، ضربلردن
اسیرکه مدهش، کهنه لکه، منطقه قارشى قیام
ایتمش، دونکی عقائدك گذارش ساکت
وغضقلنه سیاه بر اوچوروم آچش، شعره،
ادبیاته، فلسفهیه، سیاسیا، هرشینه نفوذ
ایتمش، بلکه برعصر صوکرده یالکز کندى
احکام مظلومه سندن باشقه برشی انسانلق عالمنده
بر اقایه جق، بلکه ! بلکه مترقی ومتمدن
بشریتك بوتون افرادی — زنکین وفقیر — اوکا
اینانه جق، ارکا مربوط قاله جق، اوندن
باشقه هرشی اونوتولجق، فکره، اخلاقه
معتقداته یالکز او حکم ایده جک.....

بدینك

بر اهان عقائدینه مدهش برضربه قهار
ایتدیرن «بودا» اوند، او مذهبده بر بوی
حقیقت استشمام ایده مدهش، سراب آلوده

یاقیلان مواتلرک سمایه یوکسه ان پیس دومانلرنده
یوقلغك بخار مقیدسنی ؛ سوروش، ایکیلده ین
اختیارلرک طور شامتدارنده حیاتك قوفلغنی
وارلغك سفالتنی او قودى. اوتوزسنه سوردهن
بوطاقتفرساحاربه فکریه دن آنجق بر عنصر،
برعقیده اوکره نه بیلدى :

یوقلق !.....

یتش یوقدر سنهك عمرنده بشریتیه حکم
ایدن یالکز برقوت، برقوت قهاره، بر عنصر
مشئوم وجدلخواه کوره بیلدى :

سفالت.....

*

حقیقه نافذ بر نظر، خرده بینی بر فکر
تاریخ بشری مطالعه ایدرکن کورورکه هر.
شیده قان، هریرده، ماتم واردر. بوتون
انسانیتی تخریب ایدن جمداللر؛ طیده تیک بر
مجبوریت اصلیه سی، منع وازاله سی غیر
قابل بر مقتضاسیدر. هرشی؛ ذره دن شמוש
اك اوافق رشیمدن، اك بویوک کتلات
عضویه قدر هرشی بی امان بر کشمکشك،
قهار مبارزهك مجبوریدر.

ایشته بونك ایچوندرکه بودا درتیوز
میلیونه وارن معتدلرینه سیاه برعقیده بدینی
تعلیم ایتشدر.....

بونك ایچوندرکه : مانى تخریبی اس عقائد
اتخاذ ایلشدر.

بونك ایچوندرکه : شوپنهور ایلیک،
لفظی یرار سعاده هجوم ایتش، یالکز مثبت
اوله رق فالغه، سفالته اینامشدر. بونك

معابدك اسرار انکیز برنظاهرله پاریلدایان منقش
دیوارلرنده قوفلغك، کذب واغفالک رنگ
کریاندن باشقه برشی کوره مدهش، صایسی
ایکی بیکه وارن معبودلردن، اوطاشدن معمول،
الماسله مزین، غریب شکللی بشریت اولیه
اویونجاقلردن برشی آ کلابه مامشدى .

بر کون بیلمم قاچنجی معبودك مناقب مافوق
الحیالی ترنم ایدن براهان سلالة شمسیه وقریهك
بومعزز ومحترم اولادینه تلقین عقیده ایدرکن
بودا نجیب سیاستدن باغان انوار جدیدت واصلتی
بو حق وحقیق بابانجیسنه توجیه ایتدی .

فقط اونورلر بر اعمالك کوزنده برولوله
تخفیر کبی شمشك اویاندیردی .

— سنك تلقین ایتدیك عقیده بنی اقلع
ایده من .

وردها کیرمهك اوزره معبدك قایسندن
چیقارکن آتونلره، پیرلانطه لره مستغرق
هیکلرک تخفیردبلتن سیالرینه بر صدقه تزئین
آندی.....

آرتق دوشونمك لازمدى، دوشوندى،
اتلری، کیمکلری آریلمه دن؛ حقیقت عظمايه
کسب وقوف ایتدن چیکلمیه چکنی سوبلدیکی
مجاهده سندن آریلمدى . (شجره ذکا) سنك
آجی حقیقتلر، چیرکین کوزلاکلرله تجلی ایدن
سایه اسمرینده هندك، اواقلم اساطیر و خولیانك
سمالزندن الهاملر؛ بوی ابهام صاحبان ازهار
رنکارنکندن بیتاب علملر طویلادی. آرسلان
اوغولتیلردن مجادله حیانك، ییلان فیصلتیلردن
تعرضك، تسمیمك حکمتلرینی اوکرندى .

ایچوندرک : زولا حیات بشری برقادورا کی دیدیکلمش ، اونی تخریب ایدن مرضک افناء، اک دهشتلی باسیلارنی میدانہ چیقارمشدر .

ایشته بونک ایچوندرک : (بودلہر) ک (ازهارالم) نڈن سفیل بررایجہ دوپولور .

ایشته بونک ایچوندرک : باقونین ، ره قلوبس ، قروپوتکین برجچی ، لوسیتینی میدان مبارزہ آتیلوب انسانلرہ بوسفانتلری بیلدیرمک ایچون چالشمشدر .

ایشته بونک ایچوندرک : عصر حاضر ادبیاتی — زده بیلہ — بوتون فریاددن ، بوتون مرئیہ دن، ہب ماتم نوحہ لرندن عبارت قالمشدر .

بونک ایچوندرک : (فنالق ظاہریدر) دین (لایب نیج) طرفدارلری آرتق آزمغہ، آرتق ہرکسہدہ بر فکر عدم ، بر فکر مظلم او یانغہ باشلامشدر .

آرتق خستہلق ، بوتون شدتیلہ ، بوتون دهشتیلہ کائناتی ادراکی قابلامشدر .
اسبانیہ ؟ ؟ ؟ ؟ .

بشسریت ؛ دیلہنن ، سوروون افراد سفیلہ سنی کورمیور ؛ ہرکس بوجدلکاہدہ بر حصن حصین منفعت طومش ، باشقہ سسٹنک ضررینہ چالیشیور ؛ فقیرلرک دوغرولقلرینہ یالانجیلایق دنیور ، تحقیر ایدیلور . زنکیلرک یالانلرینہ حقیقت سوسی ویریایور ، تجیل اولیور .

بن ضمیرندن خارجه چیقارمیان منفعتمبر .
ستار حق سعبی اولدوریور ، کندی کیسہ سبی دولیور ، عملہ نک قوای مادیه سندن مہم بر قسبی محو اولیور .

سرمایہ دار اوندہ زینہ رفاهہ مستغرق یاشایور . غرورندہ سسقی آسفانہ دوغرو یوکسلمہ لن کاشانہ سندہ کی معسطو خوابکاہلرہدہ او یوکن عملہ نک حقیر دیقیق قولہ سبی ذلتدان یر آلتہ کیرمک ایچون آچلیور .

بو آچالمق بشسریتک بوعادہ قولہ لرینہ محصوص قالمبور . انسانیتک بوقیمتدار وفعال عضولری بویلہ حقارت کودرکجہ ، قوری بر اکہکہ ، سفیل بر حیانہ محکوم قالدقجہ آچالیش اونی بو حالہ قویان بشریتہ عائد اولیور . و

بشر او منفعیچون قیملدایان خورتلاق ؟
بشر او منفعیچون اوتن طوصان ، آچاق
حسد ، حسد ابدیاً حسد لہ آچالہ حق . [۱] .
کبی فنا تعریفلر ، تحقیرلر ہب او کایاغدیر یلیور .

سفیللر بویلہ چوغالدقجہ ، عائلہلر فیخشک ، ذلتک چرکاب محمولہ بولاندقجہ ، عملہ دائمی بر لسارتک ، براسارت مضرتہ نک نچہ سسندہ ایکلدہ دجہ ، بوکونکی فریادلر دہا زیادہ آرتہ حق ، زواللی بشرک اینلری برقات دہا یوکسہ لہ جک ، فقط حق و حقیقت قارشیسندہ دائمی سوسلو و محق کورونن دائما دوغرائلی کیمسہ یہ ویرمک لہ اقتخار ایدن بشر آچالہ حق ، آچالہ حقدر .

۱ . رفیق
(۱) بو پارچہلر شاعر حقیقہ بیان (جلس) ک اوزون بر مرئیہ سندندر .

سوس برایضاح

ہر وقت سویلیوروزکہ ثروت فقری سوسن سعادت ، سہ فالتہ دشماندر ، زنکیلر ؛ کورہ فقری تحقیر ایدر ، چونکہ اونلرک مالک اولدیغی اسباب رفاهی کاشانلری ، عقاری عملہ نک ، فقرانک سعبی حاصل ایتشددر و عدم مساوات کوستریوریورکہ : مشروع واسطہ لرلہ اخذ ایدیلمش قازانلش کورونن ثروت سرمایہ داران ثروت عمومیہ بشردن غصب اولمش ، حتی چالینمش شیلردر .

حق ہر وقت میداندہدر ، اونی عادی روزکارلرہدہ دو برہ منز ، شعلہ عدلی روبکار ظلم بوکون آزالتسہ بیلہ اسستقبالہ پارلایہ حق ابدیاً شعلہ دار اولہ حق وسونئیہ جکدر .

استقبال آینہدر و بوکونک کیزلی قباقلی ایشلریغی ، انتریقہ لرینی زمانک تاریخی کیزلسہ بیلہ ؛ او آینہ واضح برنابلو کبی انسال آتیہ یہ اوقویہ جقدر .

اسکیدن ماتمی بر عمرہ مرہبوط قالان ایشجیلر ناصلکہ اوچ بش متفکرک مجاہدہ سیلہ بر پارچہ اکتساب حیات ایدہ بیلمشلر ، ناصلکہ تحکم سرمایہ داران زنجیرینی قیرمشلر سہ یارین دہ ثروت ارض بلا تفریق جنس و صنف تقسیم اولہ جق . اوزمان نہ عملہ ، نہ سرمایہ دار قالہ جق بز (اشتراک) ی خلقہ تقدیم ایتک لہ ، اجتماعی بر چیغیر آچدق ، مملکتہ مزده بووک بر نقتصانک

مہم بر مساکنک ایلک آدیغی آتدق . وطنک محتاج سبی ، محتاج ہمت اولدیغی بر زماندہ بویلہ بر مقدمہ ایلہ ایشہ کیریشدک . اولہ بیلیرکہ بکنمہ بیلر ، خدماتی تقدیر ایتیمہ نلر بولنور بز بونک لہ متا - ف دکل متشکر اولوروز .

نتہ کیم مملکتہ مزک اک بیوک زنکیلرندن ومقامات عالیہ دن برینک اک ممتاز بحالی اشغال ایدن برداہی سیاسیمنز بر پردہ باخصوص بر حقوق ذواتک یانئندہ غزتہ مزدن بحث ایدرکن سوسیالیست افکارینک ترکیبہ ایچون مضر و فنانلی موجب اولہ جفی و بناء علیہ اشتراکک تعقیب ایتدیگی مسلکک نافع دکل بالعکس مضر اولدیغی بیان ایتشددرکہ بونی بز وجدانہ ازہر

جہت امین اولدیغمنز موثوق الکلمہ رذاندن ایشتدک ، اورادہ بولنانلردن ترقی پرور و فاضل بر ذات کنڈیسٹنک اوروپادہ بولندیغندن بحث ایلہ بوتون مراکر حکومتادہ اکثریتہ قریب بر موقع اشغال ایدن سوسیالیست و عملہ پارتیلر . سنک ترقی ایچون اک الزم فرقلر اولدیغی ، اشتراک و اتحاد - اعیان فکرینک مقدس بر موقع عالی العالہ بولندیغنی بیان ایلہ اشتراکی بو خصوصہ بشرو ترقی اولہرق قبول ایتشلردرکہ برنجینک ترقی فکرلری احما حقندہ کی تصورات و محافظہ کارلقیلہ ایکنجی ذاتک حیسات عوامی مدافع غزتہ مزلمہندہ کی بیاناتی مقایسہ ایدیلنجہ مسئلہ قارئین کرام نظرندہ وضوحیلہ تبیین ایتمش اولور .

بز مملکتہ خدمت لہ مقتخرز ، طعن حسود ، قبل و قال بیسود بزہ کورہ ہیچدر ، بز علمدار

بولنگه افخار ایدرز ، چونکه قارشیدسنده معارض بولنمیان هرهانکی برمسلك هرهانکی برغزته دایما یا کیلیر .

شانه زلف سخندر اعتراض

اشترک



خلیل

حکایه

دهده حسنگ وجدانی

— فرده نم یعقوب قدری به —

مردیوهن آرالغنده آسیلی دوران زنجیرلی ساعتک کوکسندن فناخر لیلارله سسی طیقانیق اوکسوروک چیقدقندن صکره ینه اوفاق اوه حرارتلی براسه تانبول کیجه سنک سکوتی صساریلدی ، اون فابریقه سی اوزاقلرک هوای رکودتی تکرار تپمه له مکه باشلادی .

دهده حسن بریتاغندن دوغیرلدی ؛ خانه -

نک ایکنجی قات اودالریله برحذایه کلن هوا غازیکن قفسدن کچن ضیاسنی آق صقالنی بردامه تخته سی کی سیاه وییاض مرابعاره آیردی ، کیره ج دیواره قوجامان برمشربه شکلی چیزدی . چوق صوصامشدی . صوثوق برصو ایچمک ایچون آشانی به کوبه قدر کیمک لازم کلپور . دی ؛ اوصولجه قالدی ، چبلاق آیافلری آلتنده

چایردایان تحته لرک ملکه سی سایه سنده پک ایی تفریق ایتدیکی صاغلام وچیویلری دوشمامش یرلرینه باصه رق ذاتاً آچیق دوران قاپودن صوفیه چیقدی ، دیشساری بی دیکلدی . اوزاقدن اون قیسانتک کورولتوسی واردی ، یان اودادن سود اوغلی ممشک خورولتوسی کلپوردی ، ساعتک آسیلی اولدینی طرفدن بویکی سسه ده حاکم قالین برطققه کیجه بی کوندوزه سوروکلیوردی .

اداره بی بیله یاقدی و آتش کی یانان آیافلری زمین قانتک رطوبتلی طپراغنه باصه رق کوبه یورودی . مشربه تحته قباغک اوزرنده آیدی ، تولبندی صییردی ، قولی اوزاندی . ایچریده بردامله بیله صوقالمامشدی ، تنکه قاپ طوپراق بوشلغک ایچنده هر طرفه چارپدی ، سسلر چقاردی ، بوش دوندی .

اوزمان جکرلری خنجیره سنی قاوروران ، دوداقلری بر بوجک قابوغی کی قوروتن صو سزلغک ویردیکی احتیاج وجرأته ینه قارانلقده سوقاق قبوسنی آچدی ، ابلک تجریده تصادف آیدن ممشک چیزمه لری اوکته دایادی ، گوشه باشنده کی چشمه به کیتدی ؛ موصاق ناری آچیق قالمشدی ؛ سریع دامه لر یالاغه دوشدو کجه آقورد آیدیلن بر قانون سسی چیقه ساریور و بوغریب موسیقی تنها ، مردار سوقاغک بایفین اعصابی کریوردی .

باقلاشدی ، آغزینی اورایه اوزاندی ایچدی شمدی طاشقین صولر صاقلندن صیزه زق آچیق کوکسنگ قیللری آراسندن وجودینه یاییلیور ،

آخشامکی اعترافی اونی تا یورکسندن یارالامشدی . بوملته فناق ایتمک املیه یاشسادینی حالده ینه نچون هر قباحتملی جزاسنی کورمک ایچون دیوان حره چبقاریلیرکن او بوراده ویاخود قیدشله . سنده راحت وینه عین حسله ره ظالم او یوبوب شیشیوری ؟

ألرینی قولاقلرندن چکدی ، برازدوغیرلدی ، دیکلدی . قاریسی بویکیجه یوقدی ؛ حسیب باشاره کیتمشدی ؛ اوده ممشله یالکزدی ودریندن کلن خورولتولر اونک قورقوسمز او یودینی کوسستریوردی . بردن نصل اولدینی فرق ایتدی ، صانکه تا ایچندن ، پک یانندن برسک کندیسنه « سود ارغلك قباحتلیدر ، سکا ایبلک آیدن حکومته دشمن اولدی ، نانکورلک ایتدی وظیفه کی یاپ . . . » دیدیکی و صکره « کیت اخبار ایت » دییه امر ایتدیکنی دویدی .

جاهل دماغی بر دیوان حربک نه درجه شدتلی حکملر ویره بیله جکفی احاطه ایتپوردی کندی کندینه ، ممشی نه اولدوررلر ، نه طرد آیدرلر ، دیپوردی ، بر قاج آی حبسه آتارلر جز اسیدر چکسین ! . .

عجبا وجدانینی دیکلیوردی ؟ بردرلوجل آیده مدی ؛ فقط بو امر ، بو خطاب ، بو صریح دوشونجه بشقه زره دن کله بیلیر ، بودرجه کندیسنی خسته و متهیج آیدر میدی ؟ بر آلی کوکسنگ صولنه دایادی ، باشنی اوموزلری آراسنه کومدی دهادرین دوشوندی . تمامیه قارانلقده ایری ؛ نه اوفاق برضیا ، نه بر کولک ، نه بر حرکت . وجدانک نه اولدینی بولمق ایستدی ،

هر طرفنده رعشه لر قوشد بریوردی . یواوقدر طاتلی کلدی که بیلکرین صیویایه رق بوتون باشنی آکسه سنی ، آیافلری ، هر طرفی بیقادی ، ایصلاتدی ، صوکره دوندی .

حرارتی کچمشدی ؛ فقط ینه ؛ صیقینی ، بر قورقو ، ایچنده بروهم واردی . صانکه یوره کی آغریوز ، یینتک اوستنه برتقات جوکیوردی . چیزمه لری قالدیرکن بردن ممشی خاطرلادی ، بقاله اولان بورجنی ، اودن قاجیروب صاندینی ساعتی دوشوندی صوکره بونلرک هپسنی اونوده رق آخشامکی اعترافلرینه حصر فکر ایتدی . ارتق یوقاری چیجه مادی ، مردیونک ابلک قدمه سنه اوطوردی ، هنوز قورومیان اللریله ایصلاق صاچلری ، یوزینی اورتدی ، متفکر قالدی .

سود اوغلو درت ساعت اول « باللق ، دیمشدی ، اوتوز برمارت کونی آیاصوفیه میداننده بن چوق چالیشدم ، چوق فدا کارلق ایتدم ، فقط قورناز اولدیغمدن ایز بر اقامدم » صکره آچی آچی کولمش دهانه لر یایدیغی بیلسه لر ، بیلسه لر « دییه علاوه ایتمشدی .

ممش عبدالحمیده خدمت ایتمش ، پاره سی ایچون اونوز برمارت حادثه سنه قاریشمشدی ، حالبوکه حریتله برابر باش چاوش اولمش ، منتظم آیلغنی آلمش ، راحت ایتمشدی . کندیسنی بیله آلمش باشندن صکره غائب ایتمک درجه سنه کلن بردعوانی قازانمش ، شو اوه او سایه ده یرلشمشدی . تا کوچکدنبری بسلدیکی ، اناسز باباسز بولوب اولادی کی دویوردینی چوجنگک